

ՓՈՎՈՎՐԳԵԿԸՆ ԳՐԵԳՐՈՆ «ԱՐԵՎ»

№ 1

ԻՆՉ Է

ՀԱՍԱՐԱԿԱՊԵՏՈՒԹԻՒՆԸ

Թարգ. Ս. ՅԱՐՈՒԹԻՒՆԵԱՆՑ



ԲԱԳՈՒ

Տպարան Ն. Արևանցեանի

1917

ԳԻՆԸ 10 ԿՈՊ.



ԻՐ Չ Է

ՀԱՍԱՐԱԿԱՊԵՏՈՒԹԻՒՆԸ

Թարգ. Ս. ՅԱՐՈՒԹԻՒՆԵԱՆՑ




ԲԱԳՈՒ

Տպարան Ն. Երևանցիանի

1917



A II
25143



ԻՆՉ Է ՀԱՍԱՐԱԿԱՊԵՏՈՒԹԻՒՆԸ

«Հասարակապետութիւն» ասելով շատերին թւում է, որ դա մի այնպիսի տէրութիւն է, ուր կառավարութեան իշխանութիւնը թոյլ է, ուր ամեն մարդ անում է այն, ինչ որ ցանկանում է, ուր ամեն ոք՝ օրէնքից չքաշուելով, կարող է անկարգութիւններ անել ու խախտել խաղաղ բնակիչների իրաւունքները: Այդ կարծիքը միանգամայն սխալ է: Հասարակապետութեան մէջ կառավարութեան իշխանութիւնը ոչ պակաս զօրաւոր է, քան միապետական երկիրներում. այնտեղ ևս գոյութիւն ունին այնպիսի խիստ օրէնքներ, ուրիշի իրաւունքները խախտող, ամէ՛, յանցանք, ամեն անիրաւութիւն պատժող նոյնպիսի դատարաններ և կարգ ու կանոնի, կեանքի խաղաղ ընթացքի վերայ հսկող նոյնպիսի ոստիկանութիւն:

Եթէ կառավարութեան զլուխը կանգնած է մի մարդ՝ թագաւոր, կայսր, վեհապետ, սուլթան՝ կոչւում է միապետութիւն:

Միապետական երկրում միապետի իշխանութիւնն առհասարակ հօրից անցնում է ժառանգաբար որդուն, կամ մօտիկ ազգականին: Ժողովրդին թագաւոր ընտրելու զէպքեր հազիւ է պատահում, սովորաբար այդ լինում է այն զէպքում, երբ թագաւորը մեռնում է իրենից յետոյ ոչ մի մօտիկ ազգական չլիովելով, կամ երբ նոր թագաւորութիւն է հիմնում: Այդպէս է եղել Ռուսաստանում 300 տարի առաջ ռուսաց այժմեան զահրնկէց թագաւորի նախահօր՝ Միխայիլ Ֆէօդորովիչի ընտրութեան ժամանակ, այդպէս եղաւ Բուլղարիայում, երբ նա ազատուեց տաճկական տիրապետութիւնից, այդպէս եղաւ եւ վերջերս Նօրվեղիայում, երբ սա բաժանուեց Շվէդիայից:

Որքան էլ թագաւորը խելօք, ուժեղ ու բանիմաց լինի՝ չի կարող նա մէն-մենակ, անձամբ կռաւարել տէրութեան բոլոր գործերը: Նրան անխուսափելի կերպով անհրաժեշտ են օգնականներ: Եւ նա ընտրում է այդ օգնականներին՝ մինխտարներին իր ցանկութեան համաձայն և յանձնում է նրանցից իւրաքանչիւրին կառավարութեան մի որ և է մասը: Մինխտարներն էլ իրենց կողմից են հրաւիրում օգնութեան զանազան պաշտօնեաների և նրանց հսկողութեանը յանձնում այս կամ այն գործը: Վերջ-ի վեր-

Չոյ գուրս է գալիս, որ ժողովուրդը գործ չի ունենում ոչ միայն թագաւորի, այլև նրա մինիստրների հետ և միապետի կամքը նրան հասնում է մի ամբողջ շարք պաշտօնեաների աստիճաններից:

Մինիստրներն ամբողջովին կախումն ունին կայսրից: Նա է միայն քննում, թէ լաւ են կատարում արդեօք նրանք իրենց վստահացած պարտականութիւնը. նա միայն կարող է նրանց զրկել կամ փոխադրել պաշտօնից: Մինիստրներն են կառավարում պետութեան բոլոր եկամուտները, նրանք են պետական փողերը ծախսում հէնց իրենց կազմած և թագաւորից հաստատուած նախահաշուի համաձայն: Թէ որ աստիճանի արգարացի է գործադրուած այդ նախահաշիւը, նրանք ոչ ոքի այդ մասին հաշիւ չեն տալիս, բացի թագաւորից: Թագաւորն իր կամքով կարող է հարկերն ու տուրքերը պակասացնել կամ շատացնել, չհաւաքել ժողովրդի այս կամ այն մասից. նա կարող է տէրութեան ծախսերը կրճատել, կամ ընդհակառակն, աւելացնել, կարող է իր անձնական պէտքերի համար նրանցից ընտրել այն գումարները, որն ինքը կարևոր կհամարի:

Մինիստրները կազմում են օրէնքները, իսկ թագաւորը հաստատում է և նրանք իրենք էլ

հսկում են, որ այդ օրէնքները խստիւ կատարուեն: Թագաւորն ու իր մինխտրներն նոյնպէս ենթարկում են օրէնքներին, բայց քանի որ օրէնքի վերացնելը, կամ հինը նորի փոխարինելը միանգամայն թագաւորից է կախուած՝ նա միշտ էլ կարող է ոչնչացնել այն օրէնքը, որն իրեն համար այնքան էլ ձեռնառու չէ: Այն պետութիւնը, որ կառավարում է այդ եղանակով, կոչուած է անսահման միապետութիւն, որովհետեւ այդտեղ միապետի կամքը շիտանաւորապէս մի որ և է ուրիշի կամքով: Բոլոր հպատակները պարտաւոր են անպայման կատարել նրա տուած օրէնքները, և իրաւունք չունեն քննադատելու՝ լաւ են թէ վատ այդ օրէնքները, բաւարարութիւն են տալիս իրենց պահանջներին՝ թէ ոչ:

Բայց անսահման միապետութիւնից կայ և սահմանադրական միապետութիւն: Սրա կառավարութեան գլուխը կանգնած է նոյնպէս ժողովական միապետը և այլ և այլ կարգի գործեր վարում են մինխտրները. բայց այստեղ ժողովուրդը նոյնպէս մասնակցում է պետութեան կառավարելու գործին. գոնէ մինխտրների գործունէութիւնը ստուգելու իրաւունք ունի: Այդ նպատակով ժողովուրդը ընտրում է իր լիա-

գօրներին՝ պատգամաւորներին, որոնք կազմում են առանձին ժողով՝ պարբաւէնտ, պալատ և այլն: Պատգամաւորների այդ ժողովը խորհրդակցութեան է առնում մինխտարների կազմած օրէնքները. քննելով՝ մերժում է այնպիսիները, որոնց ազգաբանութեան համար անօգուտ է գրանում, միւսների մէջ իրեն ղիտողութիւններն ու փոփոխութիւններն է մտցնում, մի քանիսն էլ, վերջապէս, համաձայնում է ամբողջովին ընդունել: Կայսրն օրէնքը հաստատում է արդէն պատգամաւորների քննութիւնից ու ընդունելուց յետոյ, և միայն այդպիսի օրէնքն ոյժ ունի, այդպիսի օրէնքին միայն բոլորեքեան պարտաւոր են հնազանդուիլ:

Սահմանադրական կայսրութեան մէջ թագաւորն ինքն է ընտրում ու նշանակում մինխտարներին, ինչպէս անսահման կայսրութեան մէջ, միայն այն տարբերութեամբ, որ այդ մինխտարները իրենց գործունէութեան մասին հաշիւ են տալիս ոչ միայն թագաւորին, այլ և պատգամաւորներին՝ ժողովրդից ընտրուած ներկայացուցիչներին: Պատգամաւորներն իրաւունք ունին իրենց դժգոհութիւնն արտայայտել, եթէ որ և է անհոգութիւն նկատեն նրանց գործերի մէջ, իրաւունք ունին հարցապնդում անել նրանց վարչութեան մէջ կատարուած ամեն մի զեղծմուն-

քի համար: Անընդունակ նկատուած մինխատրին պատգամաւորներն իրաւունք շունին ինքնազրլուխ պաշտօնից հեռացնել, բայց իրաւունք ունին արտայայտել իրենց անվատահուծիւնը դէպի նա և այդ անվատահուծիւնը տարածուած է բոլոր մինխատրների վերայ, որովհետև բոլոր մինխատրները միասին կազմում են մի «կարինէ», ու ամենքն էլ շատ թէ քիչ չափով պատասխանատու են մէկը միւսի արածի համար: Այդ հանգամանքներում ժողովրդի ներկայացուցիչներն, այդպիսի մինխատրութեան մտցրած ոչ մի օրէնքը չեն ընդունում: Կայսրը կամա-ակամայ ստիպուած է լինում արձակել այդ մինխատրութիւնը, որն անհաճելի է ժողովրդի ներկայացուցիչներին և ընտրել նորը վատահուծիւն վայելող մարդկանցից: Երբեմն, ասենք, նա այլ միջոցի էլ է դիմում. նա արձակում է ներկայացուցիչների ժողովը և նոր ընտրութիւն է յայտարարում: Եւ այդ այն նպատակով, որ իմանայ թէ ժողովուրդն իր պատգամաւորների հետ համամիտ է թէ ոչ և երբ երևում է, որ նա համամիտ է և որ նոր ժողովն էլ նոյնպէս անվատահ է դէպի մինխատրները՝ այն ժամանակ նա՝ թագաւորը ստիպուած՝ զիջում է:

Ժողովրդական ներկայացուցիչների ժողովը աւերութեան բոլոր ել և մտից նախահաշիւն ըս-

տուգում և մանրագննին քննութեան է առնում: Ո՛չ մի հարկ, ո՛չ մի տուրք չի կարելի պահանջել հասարակութիւնից, առանց նրա թոյլտուութեան: Նրանք նոյնպէս ուշադրութեամբ աչքի են անցկացնում ծախքերի բոլոր յօդուածներն ու կրճատում այնպիսիները, որոնք չափից դուրս իրենց ծանր են թւում ժողովրդի համար: Պատգամաւորները հէնց իրենք են որոշում, թէ թագաւորը, նրա ընտանիքն ու պալատը տարեկան որքան պիտի մսխէ: Տէրութեան փողերը կարգադրելու այդ իրաւունքը պատգամաւորների ժողովին աւելի ոյժէ տալիս: Այնպէս որ, թագաւորը, եթէ ուզենայ մի որոշ ժամանակ նրանց ժողովի չհրաւիրել՝ չէ կարող, որովհետև առանց նրանց կարգադրութեան ոչ ոք իրաւունք չունի ոչ հարկեր պահանջել և ոչ վճարել. մինչև անգամ ինքը կայսրը չէ կարող ոչ մի կոպէկ ստանալ պետական գանձարանից:

Սահմանադրական երկիրներում կայսեր անձը համարւում է ազատ պատասխանատուութիւնից, այսինքն ոչ ոք իրաւունք չունի դատել վեհապետին նրա արարքների համար կամ նրա գործերից հաշիւ պահանջել: Շնորհիւ այդ բանի՝ մի թագաւոր՝ որ իր ժողովրդի շահերի մասին չի հոգում, կամ չի հասկանում թէ ինչի մէջէ կայանում այդ շահը՝ կարող է ազգաբանութեան

համար վնասակար որ և է կարգադրութիւն անել. որպէս զի խոյս տրուի մի այդպիսի վտանգից՝ սահմանադրական-միապետական երկիրնեւրում մի այսպիսի օրէնք գոյութիւն ունի, այն է՝ կայսեր ամեն մի կարգադրութիւնը, ամեն մի հրահանգը օրինական է համարւում միայն այն դէպքում, երբ նրա տակ ստորագրում է մինիստրներէից մէկն ու մէկը:

Բոլոր մինիստրները պատասխանատու են ժողովրդական ներկայացուցիչների ժողովի առաջ, հետևաբար և իւրաքանչիւրը նրանցից վախենում է ստորագրել կայսերական այն հրահանգը, որը ներկայացուցիչների հաւանութեան չէ արժանացել:



Անսահման միապետութեան կայսեր հպատակներէից պահանջւում է, առանց դէս ու դէնի, անպայման հպատակութիւն նրա հրատարակած կարգադրութիւններէ՝ օրէնքների առաջ: Այդ օրէնքները լաւ են թէ վատ, օգտակար են թէ վնասակար, այդ նրանց գործը չէ. նրանք պարտական են խորապէս հաւատալու, որ նրանց վրայ մտածում են, որ նրանց մասին հոգս են քաշում թագաւորն ու նրա մինիստրները:

Եթէ նրանք նկատում են մի որ և է չինովնիկի իր պաշտօնի ի շարը գործ գնելը, ի-

զուր է լինում նրա վրայ գանգատուիլը, որովհետեւ այդ գանգատը անցնում է հէնց այն միջաւորի կամ նահանգապետի ձեռքն, որը նշանակում է այդ շինովնիկին: Եթէ նրանք ցանկանան հասցնել ի գիտութիւն թագաւորի իրենց կարիքների և ցանկութիւնների մասին, նրանց ձայնը կխեղդուի այն երկար մի շարք շինովնիկներից, որոնք կանգնած են նրանց և թագաւորի մէջտեղը:

Բոլորովին այլ կերպ է սահմանափակ կամ սահմանադրական միապետութիւններում:

Այդտեղ ամեն մի քաղաքացի պարտաւոր է համարում քննադատել թագաւորից և ժողովրդի ներկայացուցիչներից բնդունուած և հաստատուած օրէնքները: Նրանք քննում են թէ որքան այդ օրէնքները համապատասխան են տեղական պահանջներին, նկատողութեան են առնում նրանց այն պակասութիւններն ու փոփոխութիւնները, որոնք կարևոր են զանում մտցնել նրանց մէջ:

Չինովնիկների անհողութեան ու պաշտօնի ի շարը գործ դնելը նոյնպէս անուշադիր չեն մնում, բոլորն էլ գիտեն, որ նրանց մասին կարելի է յայտնել մինիստրներին և դրա համար նրանք շտապում են անմիջապէս ուղղել այդ, որպէս զի չզրկուեն ժողովրդի վստահութիւնից: Ժողովրդական ներկայացուցիչների ժողովի հա-

մար պատգամաւոր ընտրելիս՝ նոյնպէս հարկ է լինում ամեն մէկին լաւ մտածել, լաւ խորհել, այն է՝ ընտրել այնպիսի մարդու, որը լաւ գիտենայ տեղական գործերը, որ հարկ եղած դէպքում նա կարողանայ բացատրել այդ և ուրիշներին. անպայման ազնիւ մարդու, որ ոչ մի հրապոյրից չի շողոքորթուիլ և չի դաւաճանիլ իր ընտրողներին, խելացի ու առողջ դատողութեան տէր մարդու, որ կարողանայ ինքն անձամբ գլուխ դուրս տանել պետական բարդ խընդիրներում, կամ գիմել լուսամիտ մարդկանց օգնութեան, որոնք անշահախնդիր ցանկանում են ժողովրդի բարիքը: Այդ բոլորի համար սահմանադրական պետութեան մէջ անհրաժեշտ է, որ ամեն մարդ լրագիր ու գրքեր կարդալ իմանայ, ժողովներում ուրիշների հետ շփումն ունենայ, կարողանայ լսել դանազան, կարծիքներ իրեն պատգանդ խնդիրների վերաբերմամբ ու ինքն էլ համարձակ, բացարձակ արտայայտէ իր մտքերը, որպէս զի իմանայ թէ ի՞նչ ընդգիմախօսութիւններ կըլինեն իր ասածների դէմ և իմանայ թէ ով իր ասածները համակրում է: Ահա թէ ինչու համար բոլոր սահմանադրական երկիրներում գոյութիւն ունի խօսքի և մամուլի ազատութիւն, անձի անձեռնմխելիութիւն. այսինքն անկարելի է, որ մի որևէ մէկը ենթարկ-

ուի պատասխանատուութեան իր ճառի համար, անկարելի է, որ մի որևէ մէկը զրկուի ազատութիւնից և ենթարկուի մի որևէ ճնշումի առանց զազարանական վճռի:

Հասարակապետական կառավարութեան մէջ առանձին անհատներին վիճակուած է աւելի ևս մտածել և հոգ տանել հասարակական գործերի վերաբերմամբ, քան սահմանադրական միապետութեան մէջ, որովհետև այդ ձևի կառավարութեան մէջ ժողովուրդն աւելի մեծ մասնակցութիւն է ունենում, քան թէ այլ եղանակի պետութիւնների մէջ:

Ամբողջ ժողովուրդը, բոլոր քաղաքացիք, մի որևէ երկրի չեն կարող, հասկանալի է, անմիջական կերպով և օրէնքներ յօրինել և նրանց իրագործել: Մինչև անգամ փոքր համայնքներում մի որևէ վճիռ կայացնելով՝ համայնական ժողովում. ժողովուրդը նրա գործադրութիւնը յանձնարարում է յատուկ ընտրուած մարդկանց՝ գիւղական տանուտէրին, տեղական վարչութեան և այլն: Հասարակապետութեան մէջ օրէնքների հրատարակութեան իրաւունքը պատկանում է ժողովրդից ընտրուած ներկայացուցիչների ժողովին — Սահմանադիր ժողովին, իսկ գործադիր իշխանութեան գլխաւորի՝ ժառանգական միապետի տեղը՝ բռնում է ընտրած նախագահը՝ պրեզի-

գանր, (Président) որն ընտրուում է ոչ ընդմիշտ, այլ սովորաբար մի քանի տարով և որի իշխանութիւնը միշտ էլ սահմանափակուած է երբեմն աւելի, երբեմն պակաս:

Եթէ Հասարակապետութեան մէջ հասարակապետութեան մի խաւը կամ մի դասակարգը իշխում է բոլոր մնացածների վրայ, այն ժամանակ ստեղծուում է, այսպէս ասած, արխիստօկրատիական հասարակապետութիւն:

Այսպիսի հասարակապետութեան մէջ իշխանութիւնը պատկանում է իշխող դասակարգի ներկացուցիչների ժողովին. հէնց այդ դասակարգըն էլ ընտրում է իր միջից պրէզիդանին-նախագահին: Սկզբներում գոյութիւն ունէին մի քանի այդպիսի հասարակապետութիւններ, ուր իշխանութիւնը մի տեղ աւելի յայտնի, մի ուրիշ տեղ՝ ամենահարուստ մարդկանց ձեռքումն էր գտնուում: Բայց այժմ գոյութիւն ունեն միայն ռամկավարական հասարակապետութիւններ. այսինքն այնպիսիները, ուր քաղաքական իրաւունքների տէրը՝ հանդիսանում է բոլոր ժողովուրդը, այնէ՛ ժողովրդի բոլոր դասակարգերի անհատները, որոնք որոշ հասակի են հասած և արատաւորուած չեն գազարանով — ընտրում են իրենց ներկայացուցիչները ու ամեն մէկը իրաւունք ունի մինչև անգամ հասարակապետութեան

պրէզիդան զառնալու: Այսպէս Ֆրանսիական հասարակապետութեան նախկին պրէզիդանը՝ Լուբէն մահուտ ծախողի ընտանիքից էր, իսկ այժմեանը՝ երիտասարդ հասակում գրասենեակի հասարակ ծառայող էր: Հիւսիսային-Ամերիկայի Միացեալ Նահանգների հասարակապետութեան ամենայայտնի պրէզիդաններից մէկը՝ Աբրամ Լինկոլն, որի օրով վերջ տրուեցաւ նեգրների ստրուկութեան, երիտասարդ հասակում անտառից գետերով գերան քշող էր:

Ֆրանսիայում պրէզիդանին ընտրում է, այսպէս ասած, Ազգային ժողովը, որ կազմուած է պալատի պատգամաւորներից (բոլոր ժողովրդի ներկայացուցիչից) և Սենատից, որի անդամները (300 հոգի) 40 տարեկանից պակաս չպիտի լինեն և որոնց ընտրում են իւրաքանչիւր դեպարտամենտի (նահանգի) տեղական պատկամաւորներն և տեղական ինքնավարութեան ներկայացուցիչները: Պրէզիդանը հաշոււմ է գործադիր իշխանութեան գլուխը, նա է նշանակում մինիստրներին ու բարձրաստիճան պաշտօնեաներին, նա է առաջարկում ցանկացած օրէնքները պատգամաւորների պալատին քննելու համար, որը պալատը կարող է և չնդունել: Եթէ երկու պալատները, այն է՝ պատգամաւորների պալատը և սենատը մի որևէ օրէնք ընդունում

են, պրէզիդանը չի կարող նրան չհաստատել: Նա իրաւունք չունի պալատի համաձայնութիւնը չստացած՝ պատերազմը յայտարարել, իսկ օտար պետութիւններէ հետ դաշինք կապել կարող է, միայն ոչ կարևոր գործերի վերաբերմամբ, բոլոր այն կարևոր պայմանագրերը, որ վերաբերում են վաճառականութեան, պետական ֆինանսներին, հող ձեռք բերելուն, կամ գիշում անելուն — անհրաժեշտ է երկու պալատներէ հաւանութիւնն ու վաւերացումն: Պրէզիդանը այնպէս, ինչպէս և ամեն մի կայսր, ոչ ոքի առաջ պատասխանատու չէ իր պաշտօնական գործողութիւններէ համար, բայց նա էլ, որպէսզի իր բոլոր հրամանները օրինական ոյժ ունենան, պէտք է, որ մինիստրներից մէկն ու մէկին ստորագրել տայ:

Ամեն մի մինիստր վարում է կառավարութեան մի որևէ մասը և պատասխանատու է իր մինիստրութեան մէջ կատարուած ամեն մի շահագործման համար պալատի առաջ. բացի դրանից, բոլոր մինիստրները միասին պատասխանատու են կառավարութեան ամբողջ գործողութիւններէ համար:


Հիւսիսային Ամերիկայի Միացեալ Նահագներէ Հասարակապետութեան նախագահը ընտրուում է բոլոր ժողովրդից, այսինքն՝ բոլոր իրա-

ունք ունեցող քաղաքացիներին, երկաստիճան
 ընտրութեամբ. ժողովուրդը ընտրում է պատուի-
 րակներ, իսկ դրանք ձայների մեծամասնութեամբ
 ընտրում են նախագահ շորս տարով: Նախագահը
 նշանակում է բոլոր մինիստրներին ու գլխաւոր
 աստիճանաւորներին և նրա մինիստրները մի-
 միայն նրան են հաշիւ տալիս իրենց գործողու-
 թիւնների համար ու պատասխանատու են մի-
 միայն նրա առաջ: Բայց դրա փոխարէն նախա-
 գահն ինքը պատասխանատու է ժողովրդի ներ-
 կայացուցիչների պալատի առաջ: Օրէնքներ
 կազմելու իրաւունքն պատկանում է ժողովրդի
 ներկայացուցիչներին, եթէ պրէզիդանը համա-
 ձայն չէ պալատի այդ օրէնքների հետ՝ նա կա-
 բող է վերադարձնել նրանց նորից քննելու հա-
 մար, բայց այդ նոր քննութիւնից յետոյ արդէն
 պարտական է ընդունել:

Ամենամեծ մասնակցութիւնն երկրի կա-
 ռավարութեան մէջ Շվեյցարիան ժողովուրդն
 ունի:

Փոքրիկ Շվեյցարեան ոչ միայն ռամկավա-
 րական, այլ և ֆէդերատիւ (Fédératif) — այն է՝
 դաշնակցական հասարակապետութիւն է: Նա բաղ-
 կացած է 22 կանտոններից (նահանգ), որոնք լիա-
 կատար ինքնուրոյնութիւն ունեն այն ամեն բա-
 նում, ինչ որ վերաբերում է տեղական ինքնա-

A 25143



վարութեան, և իւրաքանչիւր Վանտօն իր առան-
ձին օրէնքներն ու սովորութիւններն ունի:

Օրէնքների մեծ մասը, որ ընդհանուր է
ամբողջ կառավարութեան համար, գործադրոււմ
են իւրաքանչիւր կանտօնում իրենց սեպհական
պաշտօնական մարդկանց միջոցով:

Զօրքին խնամոււմ են կանտօնները, իսկ
դաշնակցական կառավարութիւնը, ընդհանուր
կանտօններ է դնում, նշանակում է աւագ սպա-
ներ և իր վրայ է առնում հրամանատարութիւ-
նը պատերազմի ժամանակ: Դաշնակցական կա-
ռավարութիւնը, հսկում է տեղական պաշտօն-
եաների վրայ և պաշտպան հանդիսանում մաս-
նաւոր մարդկանց՝ նրանց ճնշումների դէմ:

Դաշնակցական կառավարութիւնը կազմուած
է՝ ազգային խորհրդից՝ ժողովրդի ներկայա-
ցուցիչների պալատից, որոնց ընտրում են բո-
լոր քաղաքացիները (բացի հոգևոր կոչում ու-
նեցողներից, գատարանով արատաւորուածներից
և 20 տարեկանից ոչ պակաս եղողներից) և նա-
հանգների խորհրդից, որի համար իւրաքանչիւր
կանտօն 2-ական պատգամաւոր է ընտրում: Այդ
2 խորհուրդը՝ միասին ընտրում են գործադիր
իշխանութիւն 7 անդամից բաղկացած՝ ֆէդերա-
ցիայի խորհրդի համար: Այդ անդամները կատա-
րում են մինխտրների պաշտօնը և իրենց մէջ

բաժանում են կառավարութեան բոլոր գործերը: Նրանք ընտրում են իրենց միջից հասարակապետութեան «պրէզիդանին»: «Պրեզիդանը» նոյնպէս վարում է ինչպէս ֆեդերատիւ խորհրդի միւս անդամները, գործերի մի որեւէ մասը: Նրան ընտրում են ընդամենը մէկ տարով և նա կատարում է պետութեան գլխաւորի դերը: գլխաւորապէս օտար պետութիւնների հետ ունեցած յարաբերութիւնները, նրա միջոցով են տեղի ունենում:

Իրենց տեղական գործերի համար իւրաքանչիւր կանտոն, ունի իր օրէնսդրական ասեանը՝ ժողովրդի ներկայացուցիչներից: Այդ ասեանը՝ բարձրագոյն խորհուրդը հրատարակում է օրէնքներ, որոշում է տուրքեր, հսկում է պաշտօնեաների գործունէութեան վրայ և նշանակում է կարևորագոյն պաշտօնեաներին: Կանտոններում գործադիր իշխանութիւնը, պատկանում է 5—9 հոգուց բաղկացած մի խորհրդի, որոնց ընտրում է՝ կամ բարձրագոյն խորհուրդը, կամ հէնց ինքը ժողովուրդը:

Մի քանի «կանտոններ», բարձրագոյն խորհուրդ չեն ընտրում, այլ բոլոր գործերը վճուում են բոլոր քաղաքացիների ընդհանուր ժողովում: Այդ տեսակ ժողովները լինում են ընդհանրապէս բացօդեայ: Կանդամանը (Tandamman) —

կանսօնի աւագը նստում է սեղանի առաջ, որ տրուած է լինում ընդարձակ մարգագետնում կամ դաշտում. կանսօնի բոլոր տղամարդիկ շարուում են նրա շուրջը, իսկ նրանց յետևը՝ կանայք և երեխայք: «Լանգամանը» պատմում է թէ ինչ է արուել անցեալ տարի, յետոյ կարգում է աղօթք ու անցնում է այն հերթական խնդիրներին, որ պիտի վճռէ ժողովը:

Նա առաջադրում է նոր օրէնքներ, ժողովը քննում է այդ օրէնքները, մի մասը ընդունում է, միւս մասը՝ երբեմն մերժում. քաղաքացիներն էլ իրենք իրենց կողմից են առաջարկում այս կամ այն միջոցը, որոնք օգտակար են համարում ժողովրդի համար, այդ էլ նախփան ընդունելը՝ մանրամասն քննութեան են ենթարկում. այնուհետև որոշում են տուրքերը, հաստատում են առաջիկայ տարուայ ելումտից նախահաշիւը. հարկ եղած դէպքում աւագին իրաւունք են տալիս փոխառութիւն առնել ընդհանուր գործի համար, եւ վերջապէս, ընտրում են խորհրդի անդամներ, որոնք աւագի հետ միասին հանդիսանում են թէ գործադիր իշխանութիւն եւ թէ այլ պաշտօնական անձինք:


Այսպիսով այստեղ ժողովուրդը—ինքը, առանց մի որևէ ներկայացուցիչի, վճռում է իր

գործերը, բայց այդ, հասկանալի է, հնարաւոր է միայն այնտեղ, ուր բնակչութիւնը շատ չէ: 100,000 մարդ, բնական է, չէ կարող ժողովի գալ ու կանոնաւոր քննութեան առնել իր գործերը:

Հասարակական գործերը բացի այդպիսի համայնական ձևով կարգաւորելուց զատ մի քանի սակաւաբնակ «կանտօններում», պատահում են դէպքեր, երբ բոլոր Շվէցարիացիք անմիջական մասնակցութիւն են ունենում պետական կարևոր խնդիրների վճիռների մէջ: Այդ լինում է այն ժամանակ, երբ անհրաժեշտ է համարում սահմանադրական հասարակապետական հիմնական օրէնքների մէջ մի որևէ փոփոխութիւն մտցնել: Այն ժամանակ դաշնակցական կառավարութիւնը ուղարկում է բոլոր քաղաքացիներին հարցում թէ՛ ցանկանում են նրանք արդեօք, որ սահմանադրութեան մէջ այս ինչ փոփոխութիւնը մտցնուի և նրանցից ամեն մէկը պարտաւոր է պատասխանել այն՝ կամ ոչ: Երբ առանձին նահանգներն էլ են ցանկանում փոփոխութիւն մտցնել իրենց սահմանադրութեան մէջ, նրանք էլ այդպիսի հարցումով են դիմում ժողովրդին: Երբեմն այդ հարցումն անուում է ոչ միայն սահմանադրութեան օրէնքների փոխառութեան առթիւ, այլև ուրիշ օրէնքների վե-

բաքերժամբ, որոնք ծանրակշիռ նշանակու-
թիւն են ունենում ամբողջ պետութեան, կամ
մի առանձին «կանտօնի» համար: Բայց այդ ան-
ուում է միայն այն դէպքում, երբ բազմաթիւ
պահանջողներ են լինում, օրինակ՝ ընդհանուր
պետական օրէնքի փոխփոխութեան համար պա-
հանջուում է ոչ պակաս քան 30,000 հոգի:

Այդպիսով կարելի է ասել, որ Շվեյցարիան
լիակատար ուսովկալարական պետութիւն է: Այն-
տեղ բոլոր կառավարութիւնը գտնուում է ժո-
ղովրդի ձեռքին, բոլոր պաշտօնեաներն ընտրուում
են կամ ուղղակի ժողովրդից, կամ նրա ներկա-
ցուցիչներից եւ ներկայացնում են ժողովրդի
կամքը կատարողներ, որն արտայայտուում է,
կամ պատգամաւորների պալատով կամ անմի-
ջապէս հէնց իրենց քաղաքացիներով: Այդ պայ-
մաններում ոչ մի ներքին յուզում, ոչ մի ընդ-
հարում առանձին «կանտօնների» մէջ կամ բը-
նակչութեան զանազան խաւերում տեղի չեն ու-
նում և չեն խանգարում կեանքի խաղաղ ընթաց-
քը. վարչական բոլոր ճիւղերում, ժողովրդի բո-
լոր խաւերում, թագաւորում է կատարեալ կար-
գապահութիւն և պարտաճանաչութիւն դէպի հան-
րային գործը:



1850
J. W. ...

